

Kontrollnemndas merknader til landsmøte 2019

Kontrollnemnda har i perioden 2018 – 2019 bestått av Dina Serine Owren (leiar), Ole Dahle Kvadsheim og Natalie Hansen. Nemnda har i perioden hatt 2 møter, og har hatt nokolunde jamn kontakt med sentralstyret v/ AU, hovudsakleg.

26. august hadde me halvtårsevaluering med sentralstyret v/AU. Sentralstyret har kontakta oss ved ei anledning om tolking av vedtaks legitimitet.

Kontrollnemndas arbeid:

- 6. April blei me kontakta av organisatorisk nestleiar for å tolke landsmøtets sak A7 som blei overført til landsstyret, og om vedtaket dei gjorde har ivareteke landsmøtet si intensjon. Det konkluderte me med at det gjorde.
- 26. August hadde me først halvtårsevaluering med sentralstyret v/generalsekretæren valt på landsmøtet i 2018, etterfølgt av eit møte med heile sentralstyret.
- 22. Januar 2019 har me hatt møte med AU v/ leiar og politisk nestleiar

Sentralstyret har hatt gode rutinar på å sende oss alle innkallingar, sakspapir og referat til både landsstyremøta og sentralstyremøta, inkludert Sagakollenerklæringa og organisatorisk strategi frå sentralstyrehelga 10. – 12. August.

Oppfølging av arbeidsplanen

Landsmøtet ga sentralstyret, med landsstyret i ryggen, mandat til å avgjere sjølv kva årets politiske hovudprioritering var, og det landa på Jernbanepakke IV. Denne saka har absolutt vore prioritert, med mykje fokus på å skolere organisasjonen sine nykelpersonar og grasrot i dette. Organisasjonen har også hatt ein god medieprofil i nasjonale aviser gjennom året. Likevel har me sett at det har vore få fråsegn oppe til behandling i landsstyret i år.

Landsstyret er det viktigaste organet for politikkutvikling mellom landsmøta, og det er vikteg at dei oppfyller den rollen.

2.1.1 i arbeidsplanen seier at organisasjonen skal ha minst 6 aktive lokallag, med regelmessig aktivitet og god kontroll på eiga økonomi. Dette målet er nådd, tross fristen for levering av årsrapport til sentralt 1. oktober ikkje blei nådd av alle, men innan utgangen av året hadde organisasjonen 7 aktive lokallag.

Målet på 1000 betalande medlemmer, kor 700 av dei skal vere under 26 er ikkje nådd. Ved utgangen av 2018 var medlemstalet på 886 medlem, kor 582 av dei var under 26.

Minstekravet til Fordelingsutvalet for støtteordninga er 700 betalande medlem under 26.

Likestillingsnettverket har blitt kraftig nedprioritert i perioden. Det har ikkje konstituert seg sjølv, eller satt ned ei kontaktgruppe for å arbeide med prosjektet i grasrota.

Punkt 2.5.1A i arbeidsplanen seier at likestillingsnettverket skal arrangere formøter på nasjonale arrangement. Dette spesifiserer ikkje om gjelder alle nasjonale arrangement, men i perioden har det vore på sommarleir og på tillitsvaltsamlinga.

Økonomi

Generalsekretæren har hatt god kontroll på økonomien gjennom perioden, og det ser ut som at overlappinga frå den valte generalsekretæren og den tilsette har gått bra. Me ser også at sentralstyret har i perioden fått meir innføring i organisasjonens daglege økonomi, sjølv om styret ikkje har satt ned ein økonomigruppe internt. Dette ser me likevel veldig positivt på.

At medlemstal-målet på 700 medlem under 26 ikkje blei nådd har resultert i eit unødvendig økonomisk tap. Dette ser kontrollnemnda på som problematisk og høgt bekymringsverdig.

Kontrollnemndas rolle

Kontrollnemnda har i perioden 2018-19 hatt god, men noko sporadisk kontakt med sentralstyret, og er glad me har blitt kontakta etter ordinær rutine for å tolke vedtak. I haust hadde me eit evalueringsmøte med sentralstyret v/ Generalsekretær, kor me fekk gått nøy gjennom arbeidsplanen og kva som må prioriterast meir neste halvår. Likestillingsnettverkets inaktivitet blei tatt opp her, men me såg ikkje noko meir aktivitet etter det blei diskutert.

Natalie og Ole møtte Landsstyret på deira første møte 7. april 2018 for å informere om kva kontrollnemnda er, kva rollen vår er, og kva me kan brukast til. Me har ikkje mottatt noko førespurnader frå LS-representantar i løpet av perioden, men vonar me forklarte vår rolle og korleis ein kan vende seg til oss på ein tilstrekkeleg måte.

Elles har ikkje me sett noko behov for å kontrollere organisasjonens daglege arbeid, og me har fått alle dokumentar me skal ha tilsendt etter korrekt rutine.

Andre merknader

Organisasjonens valnemnd for 2018-2019 blei valt på landsstyret sitt andre møte i juli 2018, og har på same møtet fått eit klart mandat. Denne nemnda har ikkje konstituert seg sjølv. Valnemnda har hatt tre møter, kor det første i all hovudsak gjekk ut på at leiar instruerte valnemnda i arbeidsoppgåva. At valnemnda ikkje har hatt gode rutinar og ikkje klart å levere

ut i frå oppgåva si har resultert i at AU har tatt ansvar for dette. Dette er ein uheldig konsekvens av därlege rutinar og kommunikasjon, men me tykkjer det er riktig at AU har tatt opp trådane der dei slepper.

Organisasjonen har hatt store forbeteringar i sin økonomiske situasjon dei siste åra, og me er glade for å sjå ein dyktig kontorstab med god kontroll på økonomien og dei daglege rutinane. Likevel har organisasjonen veldig låge medlemstal, og må strebe meir etter å fremme dagsaktuelle sakar som engasjerer ungdom til å vere betalande medlemmar og stille til både verv og ønskje attval til verv som t.d landsstyret og i lokallagsstyrar. I følgje arbeidsplanen hadde organisasjonen som mål å ha 1000 betalande medlemmar. Me ser med bekymring på at slike organisatoriske mål ikkje blir nådd, og vonar det neste sentralstyret merker seg dette og tek eit krafttak for vervinga og oppfølginga av kontingentbetaling.

Kontrollnemnda vil takke landsstyret og sentralstyret for samarbeidet i 2018.